

Deo optimo maximo uni & trino, Virgini Deiparae, & sancto Lucae orthodoxorum Medicorum Patrono.

## QUAESTIO MEDICA.

Quodlibetariis disputationibus, manè discutienda in Scholis Medicorum, die Jovis vigesima-nonâ Decembris.

M. JOANNE-BAPTISTA RENATO MOREAU, Doctore Medico, Professore Regio, Praefide.

An Tepida potus Februm rigorem solvat.

INTER tot mala, quibus genus humanum obnoxium venit, pauca saevius sine febre, multa haec comitatur, in nonnullis etiam ad eorum solutionem optanda. Hujus naturam proprio nomine graeci & latini significarunt. Si aliquam frigidam putas umbram pro Junone, pro nostro symptoma complectens falleris. Omnis in caloris genere & excessu subsistit, qui tanquam hostis insensus humidi primigenii substantiam semper oppugnat labefactat, omnesque functiones interpellat. Sive enim cum veteribus calorem praeter naturam & corde in omne corpus effusum febrem intelligas, sive cum Silvio pulsam praeter naturam frequentiore, sive cum Willis effervescentiam immo licam sanguini & humoribus inductam, haec omnia ignis essentiam denotant, sed cave ne cuiuscumque caloris exuperantiam statim febrem existimes, nisi accensa constanter aliquandiu permanferit. Etenim si vel aestu, vel exercitio aut Balneo corpus incaluerit & mox agitatione sedata deferbuerit, calorem hunc nullus febrem cave ne cuiuscumque caloris exuperantiam statim febrem existimes, nisi accensa constanter aliquandiu permanferit. Etenim si vel aestu, vel exercitio aut Balneo corpus incaluerit & mox agitatione sedata deferbuerit, calorem hunc nullus febrem neque morbum appellaverit. Verum quem calorem exceperit morbo in corpore, febrem, cujus varia suppellex varias febrium continuationum & intermittitum species procreat. In quibus persanandis eadem tibi servanda methodus, nec pro variis febribus mutanda curationis vellicatio. Quaecumque refrigerant, contemperant, ignem & aestum extinguunt, corporis rigorem relaxant & emolliunt, humoris morbifici impetus & aculeos comprimunt & obtundunt, huncque venae sectionis & purgationis sursum aut deorsum instituenda beneficio evacuant, tibi sunt usurpanda. Si vero aliquis malignitatis & malefici consors ac particeps febris videatur propriis cardiacis & antidotis est oppugnanda.

FEBRIBUS interpolatis à continuis hoc peculiare est, quod illae quaedam *anapylas* habeant tempora, quod quilibet paroxysmus à frigore aut rigore plerumque incipiat & in sudorem desinat, quod accessiones statis periodis certisque temporum intervallis redeant, ut nihil sit exactius. Quam quidem effervescentiam sanguinis sic redeuntem & febrem intermittentis paroxysmum constituentem nonnulli in succi nutritii assimilatione impedita reponunt; Dum pro diversa cruoris constitutione, succus hic à debita temperie in diathesim modo acrem modo acidam, modo austeram pervertitur. Hinc surgunt periodi intermittitum, non unus generis, & ejusdem distantiae, quin aliae quotidie aliae tertio aut quarto die reperiunt. Alii in obstructione ductuum pancreatici eorum lateralem & in humore ibidem stagnante ejusmodi febrium causas collocant, alii cum Galeno in aliquo putredinis fomite, circa umbilicum, hepar, lienem mesenterium, uno verbo in prima corporis officina posito, pro cuius natura sede & foco statas febrium accessiones & periodos procreari existimant, dum putris & inutilis humor ibi cumalatus calorem nativum opprimit, qui cursu liberiori contra naturam, & calore asciticio everberatus & accensus quia data porta universum corpus impetit, & quia libertatis gratiam non reperit, nauseam, cardiognum, vomitum promovet, corporis jactationes invenit, tremorem, frigus, horrorem, rigorem incurrit. Hic fit valida & inequali totius corporis qualitatione cum manifesto frigoris sensu à repentino alieni inimici objecti ad partes sensibiles appulsi. Rigor etenim requirit & gravem lesionem in parte sensus particeps & strenuam virtutis muscularum expultricis simul & morticis in rem noxiam insultum: Hinc artus syderati non rigent ut pote sensu & motu destituti.

QUAMQUAM autem musculi rigorem experiantur, externi tamen in corporis ambitu positi vehementius quam interni conquirantur solent. Quod acris & horrida materies in remotiores partes à natura longissime propulsetur, & à cutis densitate in subditos proximisque musculis repercutiatur. Hinc exterioribus magis quam interioribus corporis partibus horrorem, veluti cubitis atque femoribus: Hinc etiam rigor posticas partes magis jactat quam anticas; quod materia morbifica circa hospitem, jure vicinitatis in eas primum extrudatur & ejiciatur, ibique diutius commoretur ob majorem cutis tergis regentis cassidem, unde spina oleis calidioribus percutiuntur lenitur rigor, contra vero anteriorum partium cutis rara est, ut indicant pili in ipsis densius fruticantes, nec non sudor depectore quam è dorso uberius erumpere solitus, hinc etiam mulieres propter *diathesim* viris rigori sunt magis obnoxiae. Rigor autem ab horrore secundum magis & minus solum distinctus vel est *autumnus* spon-natus aut morbosus seu non spontaneus ab internis causis ortus, dirimitur etiam in idiopathicum vel sympathicum: In criticum periodicum & symptomaticum, cujus ultimi ratione interdum aegri Erebi limen jam pulsantes ingentibus quandoque tenente rigoribus & non tam virium defectu quam vi morbi facto cedunt. Rigoris in genere causam Chimi niro frigefacientem solent ascribere ut febrium fervores sulphuri inflammato: Veteres vero rigorem rejiciunt & in frigidum à quo remissiores & in acre à quo intentiores rigores procreantur; sic à frigore tempestas aquilonia dicitur *seu* nec non quicumque astante potissimum corpore vel tanguntur ab aëre frigido vel frigida insperguntur vel frigidam hauriunt, acque etiam qui diutius in balneo cunctantur, rigere solent, ita post cibum non modo extrema frigescunt, sed quandoque etiam rigor supervenit.

ACRIMONIA vero nomine & salsedo & aciditas aliae qualitates secundae quibus partes sensibiles pungere datum est, audienda veniunt. Acrimoniam seu Ereticismum saepe adducit *temperata* merum enim partes nervosas vellicans rigorem invehit, quem exadverso solvit vinum *istius* eponum, id est cui non minus quam ipsum est, aquae adjicitur. Aqua autem mundo coeva omnibus viventibus nota, naturae nostrae conveniens unicus prudentiae potus nulli non etati saluberrima noscitur; sine hac nec corpus ulli viventium dabitur nec ulla alimenti virtus potest nasci, nec tueri nec parari. Quamvis nullis pro alimento sola sit. Gratuitum est omnibus sanis solatium, causalis, aegrotantibus, potu, somno, infessu & crebro ictu ab alto insula receptissimo quidem usu sepe abusu esset nisi idoneus & justus arbitri peritus Medicus adesset. Ab hoc liquore vivifico animam hauriunt vitalem plantae; sed mirare quæso. Quidquid opum terra fundit fenerato beneficio ab aqua refundit. Hæc igitur perpetuis in deliciis debet esse ei qui sanitati consilium voluerit, hæc omni & ab omnibus sæculis convenit animali; hæc omni hominis etati saluberrima, quocumque altero potu liberalius & copiosius potest ingeri, omni alia facilius, amabilius & innocentior debet re-putari. Nativum enim calorem coctionis autorem promovet, cibos in ventriculo diluit, & permiscet, confectoque cibo utilem succum secernit ab inutili; quicquid succus utilis aqua comite quoquo versum per meatuum flexus deducitur, & in angustissimas quasque partium venulas penitus infertur, per oscula & cæca foramina toris modo percolatur, in omnem partis substantiam decius allabatur, per omne spatium diffusis cumbitur, glutinique modo firmiter adhærescit, donec tandem assimilatus unia-tur. Quid plura? Supervacaneis rectementis expeditis partes aquae mixtura & beneficio liberantur.

HANC si optimam quæritis, sincera sit & defœcata omnis qualitatibus expers dulcis & jucunda gustui, consistentia tenuis, quæ cito calefiat & refrigeretur, ventri & hypocondriis minime gravis, qualis quæ horaria, sicut cæco dubiove, procellosa vel tonitru jactuque fulminum ob murmurante æthere pluit; proxima sed minor dotibus est, quæ puri vivique fluminis arenoso alveo ad orientem placide decurrit, deterior è fonte per plumbeos canales manans & de folio haulta puteo, quæ quidem hypocondriis & viceribus diram infert noxam; quam agitatio & insolatus vix minuunt; ejusdem callis cisternina pluvialis gratiam morata perdidit. Reses de lacunis stagnique torpentibus virium quod cepit, facit: gutturosos equiculus totamque medullorum gentem tumore notat vernaculo. Qui de nive & glacie potant strumosi Iberi accusant tyrranidem gelidi hujus humidi. Sed heu! quam & semper ad *temperata* *istius* suum unice convertit desiderium laborans ad sitim extinguendam. Dum æthæris totus aestuat ignibus, ut suum incendio flagrantem contemperet stomachum, rectet languentem, sibi que somnum conciliet & avidi caloris moretur ruina. Aqua tabidos, hæcticos reddit habitiores: remedium est febri præsentarium, sanguinis undecumque fluentis, vacationis cholericae impetum comprimit & sistit, profugum eadem revocat animò linquente calorem, rigorem soluit etiam; hæc decocta capitis mulcet dolores, obstruata refert, assida tepida, fractis, luxatis, contractis artubus, & resolutis amica ut & ulceribus, dura emollit, densa aperit, laxa tenia, crassa digerit, pigram maturat supurationem, & quod omnem hujus ævi fere paginam implet mentem, vetere innocenteque usu, saepius pro mochio hæc pota sola facta est emetico. Sic dum Rhiphaei algotibus glaciatur æger, dum frigus pene trabile illum adurit, hæc una est medela quæ frigus inimicum expellit, inutilis succi mortis frangit & obtundit, calorem blandè suscitât & fovet ad medelam, uno verbo moderans ejus calor jure merito habetur

Ergo Tepida potus Februm rigorem solvit.

DOMINI DOCTORES DISPUTATURI.

M. Joannes-Baptista-Gabriel Fressant.  
M. Michael Savalle.  
M. Ludovics Piquenot de Dragueville.

M. Claudius Burlet, Scholarum Professor.  
M. Alexander-Petrus Martot.  
M. Claudius Bourdelin.

M. Germanus Preaux, Reg. Professor.  
M. Petrus Daquin, Medicus Regis ordinarius.  
M. Joannes Cordelle.

Proponebat Parisiis JOANNES GAILLARD, Nivernensis, Castro-Censorius, Baccalaureus Medicus. A. R. S. H. 1695.